

明熹宗實錄

卷十七至三十二

天啟元年十二月至三年三月

明熹宗愍皇帝實錄卷之十七

天啓元年十二月戊辰朔○御史夏之令疏言遼撫銳意用西虜往復講讐卒未得其要領奴既聞且見之矣宰賽一歸虜遂移帳北去中奴餌而去非空去也昔掉臂去今搖尾來受奴約束而來非空來也彼于我何親而輕用其衆結怨強隣耶如曰河西為彼喫賞地故為致死則彼不出兵助我我遂能絕彼賞物乎獨其助兵聲援或首鼠兩端一為奴首一為中國陰觀鷸蚌之勢中操楚漢之權或未可知若堂堂中國幅員萬里物力全盛一逆首不能制必假手索虜損國威而啓戎心不可言矣今援兵出關者雖二十萬然簡練未精器甲未備糧餉未充遠調初至勞苦未息異越楚蜀山陝之人語言未通心力未一兵將俱不相習且嚴寒出師兵家大忌盍姑附循其疾苦激勵其

意氣袖其精銳各為一軍勤訓練明賞罰繕器械備饑饉明春
草青奴必長驅渡河然後以逸待勞以主馭客用奇設伏動必
萬全微有不利尚可嬰城固守不然而僥倖一擊誤墮姦計河
西遂不可為矣下兵部○庚午南京吏科給事中姜習孔等疏
救倪思輝朱欽相王心一 上責其違旨曠擢姑不究○續叙
卹遼瀋死事諸臣張神武贈都督綱知廕一子本衛正千戶世
襲徐國全贈都督僉事襲陞三級楊宗業贈都督同知廕一子
本衛正千戶世襲梁仲善贈都督僉事襲陞三級俱從祠附祭
郭有光復原職贈二級襲陞二級劉芳替方承勲素見龍阮承
宗鮑得功各照本職上贈三級襲陞三級餘曹登衡等各加贈
有差○陞都司僉書陳九德登萊防禦遊擊將軍○定遼瀋逃
竄文武諸臣罪狀康應乾冒日乾聽該部勘擬侯世祿劉孔胤

李秉誠姜弼鮑承先趙率教馮大梁麻承宣王興業周義等戴
罪降級提問各有差○總理三部侍郎王在晉請中國法以勵
人心言誰營守備王錫斧雇買漏船以冒船價私倩丐徒以糜
兵餉又破壞海運新造沙船四十八隻計價不啻七千金宜嚴
行淮楊撫按提究追陪蜀中告變各守令抱頭遠竄宜查素城
縣官照遵義例悉令撫按勘明逮問其合州知州翁登彥江津
縣知縣周禮嘉率衆堅守應加陞用興文縣知縣張振德同妻
子自焚應加贈廕蒯鎮總兵楊茂春臨敵稱疾朝廷令旗不能
強之一出宜謫居廣寧城外死則葬骨三岔河邊毋輕縱歸俾
儒帥效尤開規避之路下該部○左都御史張問達等疏言延
安為全陝咽喉頃虜以六七萬奄抵郡城攻圍五日夜徽倖完
保而所過縣驛村社擄掠甚慘轉盼明年虜飽而驕勢必復來

謹採輿論集為二議一添兵將以資得衛謂延鎮抽調空虛宜添設叅將一員軍士二千四百並見軍六百共合三千戰馬五百匹以復國初原設之額每年省城五衛班軍抽一衛之餉折價解延安為添兵月糧之用而四衛更番赴邊二據要害以扼虜衝府城百八十里有蘆關嶺東西兩山峽峙深溝萬仞中止羊腸小道不能容並馬虜自鎮靖出口必繇此經安塞薄府城舊築堡城尚在宜將舊城修拓內豎營房百餘間設操守官一員就于新添兵內摘三百名居守又安設滅虜火炮于中仍令本府清軍同知遇穆秋鎮若虜騎入犯據險堵截虜必不能飛渡部覆如議○直隸巡按李九官題查互市例夷以馬來找以貨往延至于今夷馬俱不堪而良馬盡入商販之手即找之費貨亦不堪而夷所得全盡易商貨而去此猶可言也獨市貨委

官一節趨者如驚。該路府廳官役扣除膏例遂為固然。除真銀假貨支銷勿論。更有貪狡冒破無所不至。且多出審例以啖官。佚官役始中餌。繼懼禍不查不銷。挾延沉閣。年復一年。銀既落空。罪亦無著。臣與督撫道議俱謂折銀之便。或以庫貯多貨無處歸銷。則始于撫賞之時。銀貨兼支。貨漸盡則折賞可審行。但市貨一節。群小千百人悉窹穴其中。折賞者非宵小之利也。况一切撫賞講藝全係通事為政。儻妄傳夷享至鎮。則擅開邊釁。之非無人敢主。又當以官職賞賜誘于前。以嚴刑重罰怵于後。駕馭通官使其悅服而後折賞之事可行也。下䟽于部。辛未慈孝獻皇后忌辰。奉先殿行祭禮。予原任日講官詹事府少詹事黃輝祭葬如例。下東華門管事內官錢壽趙昇王文等于獄。先是門軍閭科告稱本門內官包占官錢。歲計七百

兩有奇刑部乞將錢壽等行提質對正法從之。差山西道御史羅文英福建尺按。壬申經畧熊廷弼奏孫杰近叅閩部四疑臣有其三一言高出胡嘉棟不宜用二言佟卜年不宜用三謂臣不宜駐閩內臣以東西南北欲救之人而遺樞撫科道難處之會諸臣能為封疆容則姑容之不能為門戶容則叅之何必內借閩部外借撫道剝頭除尾為鞅因之法得旨卿薦高出等原為遠計但能竭力建功自可贖罪如推諉誤事法當併究朝廷既設經畧委任甚重不必以人言自疑。天津尺撫畢自嚴通州尺撫王國楨各疏催器械厰甲銀兩工部尚書王佐請以前發川湖募兵帑銀十五萬兩內除解發湖兵四萬三百三十兩外以二萬八千二百兩給津撫以七千七百三兩給通撫其原貯通庫銀二千二百九十六兩聽通撫收用以足一萬兩

之數報可。賜原任雲南尺撫薛夢雷太僕寺卿李時華各舉葬。薊遼總督王象乾言臣前議留調將領已經部覆或以陞留不准更易或以素行多疵審格見拘訪部執法東公何容置喙唯是薊門今日大勢未可盡拘格套而督撫事權似當少假便宜乞下兵部再加查議將古北路遊擊顏光耀以新任叅將留管北路尤世祿以應得職銜起管密雲右營萬邦孚應加副總兵銜管西協車營李王翰以應得職銜起管馬蘭路葉應武量加遊擊銜夏士昌王純臣以原官遊擊職銜張思忠以寸備加都司僉書職銜俱調改分領車營新兵至馬蘭路古北路及密雲右營原推新官聽訪部改推另用得旨本兵行邊出值咨用各官當與覆行司官豈得違阻。御史賈毓祥疏言登萊惟北岸旅順口實咽喉總區誠宜得一大將量提水陸兵駐劄以

外消鹿伺內固藩籬其餘水兵散冲要各島陸兵散沿海各衛所州縣操練足矣盡聚登州徒滋騷擾光義兵之變殷鑒豈遠今新募淮兵宜速分派于各衛所州縣過此隆冬船足風和然後入登未為晚也至三萬之衆渡海入遼恢復南衛誠為石畫第南衛距遼陽險阻崎嶇七百餘里而欲與三岔河大兵聲息相聞先後協應萬無是理儻西路之兵未逼遼陽渡海孤軍豈能深入乎朝鮮監軍之設約與國搆如巢亦為壯舉然朝鮮兵力雅非如昔未必得心應手之事反覆圖維實事實功難以技梧者惟三岔河一路而已乞勅部商確登萊一路議守者是否當守旅順議戰者是否當戰繇此路進兵乃先將調募之衆分寓各處以待船備啟行之日而後許集于登府內變不作外患可圖下部。癸酉吏部尚書周嘉謨陛辭因陳四款日養 聖

郭培 聖德任輔臣惜人才報聞。吏科給事中甄淑疏言

皇上為遠餉而加派非得已也然加派因乎田地而田地或相
倍蓰比而同之可乎田地既不同則歲入不同貧富亦不同上
農加派九釐猶可辨也若不毛之地農夫無顆粒之入責以正
賦且難矧賦外又賦哉若謂履畝踏勘然商下未必得實反聞
富豪隱射之姪即欲照米分派而愚民不習攤算徒滋狡胥賄
賂增減之奸無已則照納銀之額因人土之宜而已蓋天下戶
口有戶口之銀人丁有人丁之銀田上有田土之銀在有司徵
收總曰銀額計銀即計米矣而戶口人丁在米之外在銀之中
故照銀加派似不漏也東西南北之民甘苦不同市帛粟米力
役之法徵納不同惟守今自知其甘苦而通融其徵納故因人
土之宜似不偏也其法以銀額為主而通以人情酌以土俗要

見省直每歲存留起解各項銀兩共若干就將原加餉額照銀額分派總提折扣裒多益寡定為省額頒各藩司以通融之法分為府額縣額總不失原餉額而止從銀起派愚者易知亦可杜奸胥之竄此外小民所最苦者一則無田之體田鬲富室田盡而糧獨存一則無米之丁丁附于米米推而丁無推宜敗額丁與額米兩衡而定其數米若干即帶丁若干買田者收米便收丁鬲田者推米便推丁在縣冊不失丁額以違祖制在貧民不留空丁以致累陪而官亦免適責之難矣乞行各撫按藩臣有司自天啓二年後改正施行又自兵興以來衝疲州縣有援兵供億之勞有徵餉之煩車牛甲仗硝黃之役閭閻僻州縣及有未派者宜分別極衝次衝簡僻大小之數而次第之以齊勞佚平煩簡至典鋪稅契二款亦有未妥典鋪者窮害民一道活

徑鐘不堪而構贊別徒誰奈之何稅契 祖宗舊規難言遽廢
第恐刀民借霧訟獄益煩入官什一入奸民千百皆長亂之道
也下部覆議。陞南京光祿寺少卿郭尚賓大理寺左寺丞。
甲戌大學士葉向高題目擊時艱與思良將如故左都督戚繼
光當嘉靖季倭寇海上浙直閩廣無不摧殘獨繼光在浙數有
戰功迨聞告急勢在然眉繼光提偏師入閩累戰俱捷所擒斬
首級載在 實錄者殆將二萬時興化已陷賴繼光而復者城
將危賴繼光而存此勲在東南者也迨移薊鎮虜方桀驁屢窺
畿輔繼光簡卒蒐乘造車製器百凡備禦無不釐飭又築蓮化
諸城及修砌邊牆皆屹然金湯而未嘗取給公帑終繼光在事
虜不敢入薊此勲在西北者也乃生前不蒙延世之封沒後尚
斷易名之典功大賞薄可為扼腕乞特予錦衣一廕或即以原

詹百戶優陞職級仍予謚以慰英魂使海內英雄豪傑知朝廷
憫念勞臣雖久不忘當必聞風興起為國家出力或亦激勵之
一道乎其與繼光同時戮力而謀畧勲名亦差次者則有俞大
猷公論雖符謚典尚新是亦斷不可少者也得旨戚繼光素著
勲勞未蒙優叙著該部即行議覆并俞大猷都與他謚稱朕憫
念勞臣至意。乙亥御史梁之棟言奢寅既直搗成都則順慶
去成都最近且遡流而壓重慶勢若建瓴乞將川貴總督移鎮
順慶仍賜尚方劍假便宜以重事權至于增設主兵多發帑餉
厚懸賞購而軍前所需器甲火藥急為措辦皆時刻不容緩者
乞勅該部施行下跪于部仍命以後條陳關係封疆著上緊題
覆不得稽延耽誤。以給事中明時舉御史李達募兵激變下
部院叅看。巡按陝西御史彭際遇叅寧夏副總兵魏世德虐

武營遊擊王聰革任回衛。丙子下四川按察司副使徐逢聘部院叅奏逢聘入賀槓包百數分遣二牌顏倒日暮官衙刑科劉弘化言其知多資不便為是蔽閑之計仍復託病回家慰養不至乞嚴叅重處併勅各省撫按嚴查驛遞循環遇有槓槓數多即行叅劾有涵稱公幹濫給牌票折乾需索者悉行禁革得旨徐逢聘貪縱異常并前胡世光販鹽被叅久不題履著一併叅處。丁丑陞巡撫河南右副都御史張我續兵部右侍郎兼都察院右僉都御史提督四川貴州軍務兼制雲南湖廣等處地方駐劄順慶調度鑄給關防仍賜尚方劍便宜行事。命陝西提撫移鎮漢中鄖陽提撫移鎮夷陵防守應援仍令湖廣總兵薛來胤督率南還川兵繇巫峽趨忠涪併力討賊。起補貴州道御史陳玉輝。經畧熊廷弼題河西之役臣主守者也謂

修守即以修戰而撫臣不任守則臣不得完守之局而併不得完其所為戰撫臣主戰者也謂不戰決不可守而西虜不助戰則撫臣亦不得完戰之局而併不得完其所為守以此意見不合作法各別動成牽制自臣往回河上會監軍道臣鎮將皆言不能戰平日諸將中摩拳擦掌者亦言不能戰而撫臣亦謂機局又變庠慙未來不可戰也於是撫臣不得不勉其所為守矣臣日收集各屯渙散人馬內護廣寧外扼鎮武閭陽兩路各督以一鎮一道而鎮城則兩鎮一道撫臣居中調度靜靜整整示以隱然不敢犯即犯而鎮武勿輕戰必不敢越過廣寧即越過而兩路可挾其後也因議劉渠高出督鎮武祁秉忠胡嘉棟督閭陽而臣仍申今日賊來越過鎮武一步者鎮道將誅無赦賊至廣寧而鎮武閭陽不夾攻掠右屯糧道而三處不救護者俱

如之此謂以守待戰者也而守事粗定矣如守過今冬賊不來而我且當往焉過河之戰矣乃地方終日言戰想戰實不成其為戰也於是臣又不得不問其所為戰非有他謬巧也惟是審其所不可戰者何在而翻然圖之掣定主意掣定綱領藏定機神畫定籌今應分布者分布團集者團集批練者批練整頓者整頓治遠者治遠輓輸者輓輸以急幹辦于今日則臣請為撫臣決之而不能代也撫臣若不將此見在人焉從新收拾從衆商求從實幹辦而空空然謂虜來可以不戰戰吾問去可以不煩兵而下也臣恐過河兩字講過明年終不能過勿謂臣沮進而不敢戰也上覽奏謂戰守方畧似有次第命該部議奏○兵部會議連藩未陷以前皆戰不成戰守不成守往事不可追矣就今日論離守難以言戰離戰難以言守撫臣身任危疆支